

# ARRESTS <sup>90</sup> <sub>no. 15</sub>

De la Cour de Parlement.

Portant Reglement entre les Curez, Prieurs, & Religieux pour les grosses & menues Dixmes, nouales, orges, auoines meslées, avec pois, feves, vesses, lentilles, nauettes, cheneuis, blés sarrazins, millet, & autres menus grains separément semez, meslez ou non meslez, qu'on appelle vulgairement tremois ou dragée.



A PARIS,

Chez NICOLAS BESSIN, au bout du  
Pont de l'Hostel-Dieu, proche la porte  
de l'Archeuesché.

---

M. DC. LXIX.

1



*Extrait des Registres de Parlement.*

Entre Maistre Nicolas Ouyn de Lormelée, Prestre, cy-deuant Curé de la Paroisse Saint Simon Diocese de Meaux, & à present Curé de Marcüil; demandeur en execution d'Arrest du 3. Iuillet 1638. suiuant la Commission obtenüe le 10. Decembre audit an, & requeste du 19. Mars 1639. & deffendeur d'une part: Et les Religieux, Prieur, & Conuent de saint Fiacre lez Meaux, & Gabriel de Ioüy leur Fermier, defendeurs d'autre. Et encore entre ledit de Ioüy demandeur en requeste du 11. Mars audit an 1639. & lesdits Religieux, & de Lormelée defendeurs d'autre. Veu par la Cour ledit Arrest du 3. Iuillet, par lequel entr'autres choses lesdits Religieux auroient esté maintenus en la possession & iouyssance des grosses dixmes anciennes, seulement du costé de ladite Eglise de S. Simeon, & ledit de Lormelée de toutes les dixmes grosses, menuës, & nouales du costé de Rabets, lad. Commission & requeste du 19. Mars, à ce que suiuant ledit Arrest, & iceluy interpretant ledit de Lormelée fut maintenu en sa possession & iouyssance de toutes grosses & menuës dixmes, tant anciennes que recentes qui se leuent sur les terres nouales de lad. Paroisse S. Simeon du costé de l'Eglise, en toutes les especes de menuës dixmes, tant en grains qu'autrement qui se perçoient sur les autres terres du costé de lad. Eglise, & particulièrement des orges, auoines &



autres menus grains, & en exemption de payer aucunes dixmes des terres dépendantes de ladite Cure, scize du mesme costé de ladite Eglise, & defenses ausdits Religieux, & leurs fermiers & Commis de luy troubler: & ledit de Iouy condamné en son propre & priué nom à la restitution desdites dixmes pour les années 1636. 37. & 39. si elles estoient en nature, sinon la iuste valeur, au dire de gens à ce cōnoissans. Ladite requeste du 11. Mars à ce qu'il soit ordonné que ledit de Iouy iouyroit pendant son bail des grosses dixmes qui se leue sur les orges & auoines, comme estans menus grains appartenās de toute ancienneté ausdits Religieux du costé de ladite Eglise, & subordonément où se trouueroit de la difficulté à l'égard dudit de Lormelée, que lesdits Religieux fussent condānez faire iouyr ledit de Iouy des grosses dixmes qui se leuent de toute ancienneté par lesdits Religieux sur lesdits orges & auoines prouenās des terre de la Cure. Arrest du dernier May 1639. par lequel sur lesdites demādes les parties auroiēt esté appointées à mettre leur requeste & procez par deuers l'un des Cōseillers à ce Commis. Productiōs desdites parties. Cōtredits desdits Religieux & Lormelée. Forclusions d'en fournir par ledit de Iouy. Instances entre lesdits Religieux, Prieur & Conuent, demandeurs en complainte suiuant la requeste du 21. Iuin 1639. à ce qu'en consequence de la trāfaction faite entr'eux & ledit de Lormelée, il fut déclaré non receuable en sa demande, afin de restitution des Dixmes pour lesdites années 1636. 37. & 38. sauf à luy à se pouruoir cōtre ceux qui auroient leurs dites Dixmes, & que sans s'arrester à ladite deman-



de & interpretation d'Arrest, lesdits Religieux  
 fussent maintenus en la possession de grosses & an-  
 ciennes Dixmes du costé de l'Eglise, y cōpris celles  
 des orges & auoines, & defenses audit de Lorme-  
 lée defendeur & incidemment demandeur, sui-  
 uant ses defenses du 27. Iuin 1639. à ce qu'en ad-  
 ioustant aux conclusions par luy prises par ladite  
 Commission & requeste du 19. Mars, il fut main-  
 tenu en la possession des Dixmes des trémois, dra-  
 gées, & menus grains qui se sement ordinairement  
 dans les jardins & closeaux, ladite requeste, defen-  
 ses, repliques, appoinctement en droit, Productiōs  
 desdites parties, Contredits & saluations suiuant  
 ledit Arrest du 21. Ianuier. Arrest du 13. Aoust.  
 169. entre ledit de Lormelée demandeur aux fins  
 de la Commission du 10. Decembre 1638. suiuant  
 l'exploit du 6. Iuin ensuiuant, à ce que lesdits de-  
 fendeurs fussent condamnez solidairement à la re-  
 stitution des Dixmes du domaine de lad. Cure sci-  
 ze du costé de ladite Eglise, & des menuës Dixmes  
 des orges, auoines, trémois, & autres menues es-  
 peces par eux perçeus sous le nom dudit de Ioüy  
 pendant lesdites années 1636. 37. & 38. mesme  
 d'une partie des Dixmes noualles, aussi par eux  
 perçeuë en ladite année 1638. si elle estoiet en na-  
 ture, sinon la iuste valeur, d'une part. Et Iean & Si-  
 meon Flament, & Louïs Marguers sous fermiers  
 dudit de Ioüy defendeurs d'autre, par lequel ledit  
 Flament & consors auoient esté condamnez suiuant  
 leurs offres, payer audit de Lormelée la somme de  
 vingt liures tournois pour la valeur desdites dix-  
 mes du domaine de ladite Cure & noualles pour  
 ladite année 1638. sans preiudice des frais par led.



de Lormelée tant contre lesdits defendeurs, que contre ledit de Iouy leur bailleur, & defenses au cōtraire. Et sur la demãde des menuës dixmes, or-  
ges & auoines & autres menues especes, les par-  
ties auroiēt esté appointées à produire. Production  
dudit de Lormelée. Forclusions de produire & cō-  
tredire par lesdits Flament & Marguers. Arrest du  
20. Mars 1642. entre lesdits Religieux appellans  
comme de Iuges incompetens d'une Ordonnances  
estant au bas d'une requête presentée par ledit de  
Lormelée au Bailly de Louuiers, & d'un acte en  
forme d'enqueste du 23. Decembre 1638. & d'au-  
tres actes de notorieté des 26. & 27. dudit mois,  
& 14. Iuin 1639. d'une part, & ledit de Lormelée  
intimé d'autre, par lequel sur ledit appel les par-  
ties auroient esté appoinctées au Conseil. Causes  
d'appel. Responses. Productions desdites parties.  
Contredits suiuant led. Arrest du 21. Ianvier de-  
claré commun. Arrest du 17. Iuillet 1642. entre  
Maistre Gilles Champion Prestre, Curé de ladite  
Parroisse S. Simeon, ayant pris le fait & cause du-  
dit de Lormelée demandeur d'une part: Et lesdits  
Religieux & de Lormelée defendeurs d'autre, par  
lequel ledit Champion auroit esté receu partie in-  
teruenante. Moyens d'interuention. Responses.  
Productions desdites parties. Contredits & salua-  
tions desdits Religieux & de Lormelée. Forclu-  
sions d'en fournir par ledit de Châpion, tout ioint  
& considéré: DIT A ESTE, que ladite Cour  
entant que touche les instâces dudit de Lormelée  
contre ledit de Iouy, Flament & autres sous-fer-  
miers, & sommation dudit de Iouy contre lesdits  
Religieux en consequence des offres contennes en



7  
l'appointement du 13. Aoust 1639. acceptée par  
led. de Lormelée, a mis & me lesdites parties hors  
de Cour & de procez, & faisant droit sur lesdites  
instances de complainte & interuention dudit de  
Champion, a maintenu & gardé, mainient & gar-  
de lesdits Religieux en la possession & iouissance  
des Dixmes sur les orges & auoines semées séparé-  
ment ou coniointemét sur les heritages scituez en  
ladite Paroisse S. Simeon du costé de l'Eglise, &  
led. Champion en la possession & iouissance de la  
Dixme desdites orges & auoines, lesquelles seront  
mellées avec pois, fevres, vesses, lentilles, nauet-  
tes, cheneuis, bled sarrazin, millet, & autre me-  
nus grains, vulgairement appelez trémois ou dra-  
gées, sans despens entre lesdites parties. Prononcé  
le 7. Septembre 1643. par collatio avec paraphe.  
Signé, G V Y E T.

*Extrait des Registres de Parlement.*

**E**Ntre Maistre Nicolas Ouyn de Lormelée Pre-  
stre, licentié és droitz, cy-deuant Curé de la  
parroisse de S. Simeon au Diocese de Meaux, & à  
present Curé de la parroisse de Mareuil les Meaux,  
& Maistre Gilles Châpion aussi Prestre, à present  
Curé de ladite Parroisse de S. Simeon, demâdeurs  
en requeste par eux présentée en la Cour le 3. du  
present mois & an, tendante, à ce qu'en explicatio  
de l'Arrest du 7. Septembre dernier, rendu entre  
les demandeurs & defendeurs cy-apres nommez,  
leurs fermiers & sous-fermiers, par lequel faisant  
droit sur la demande & interuention dudit Châ-

pion, il a esté maintenu & gardé, maintient & garde en la possession & iouissance de ladite Dixme des orges & auoins meslées avec pois, feves, vesses & autres menus grains y spécifiez, qu'on appelle vulgairement trémois ou dragées en qualité de vertes & menues dixmes il plaise à la Cour maintenir aussi ledit Champion en lad. qualité, en la possession & iouissance des pois, feves, vesses, des lentilles, , nauettes, cheneuis, bled sarrazin, millet, & autres menus grains separément semez sur les heritages & lieux de ladite parroisse S. Simeon du costé de l'Eglise dont est question entre les parties. & defendeur d'une part : Et les Religieux, Prieur & Conuent du Prieuré de S. Fiacre en Brie, defendeurs, incidemment demandeurs en requeste par eux présentée, à ce que par ledit Arrest ils soient maintenus en la possession desdits trémois ou dragées, lors qu'il y aura plus grande quantité d'orge & auoine, que de pois, de feves, & autres menus grains ou legumes d'autre part, sans que les qualitez puissent preiudicier, apres que Feydeau Aduocat des demandeurs a conclud à leur requeste, & qu'Adam Aduocat des Religieux ont aussi cōclud en leur requeste iudiciaire. LA COUR ordonne que le demandeur iouyra de la dixmes des pois, febvres, vesses, & autres menus grains meslez & non meslez, & sur la demande iudiciaire, appointe les parties à mettre és mains de Monsieur Feydeau Conseiller du Roy. Fait en Parlement le 10. Decembre 1643. Collation faite. Ainsi signé, G V Y E T.